

Verificà a capiscera

Ciculu II		
Fiure	Dumande	Frase chjave
1	<p>*À quale si vede nantu à a fiura ? → Si vede una zitella vestuta di rossu. *Cummu si chjama sta zitella ? → Si chjama Cappuccinella Rossa. *È perchè chì si chjama Cappuccinella Rossa ? → Si chjama cusì chì porta sempre un cappiccinu rossu in capu. *È à quale si vede dinù nant' à a fiura ? → si vede a so mamma.</p>	À l'orlu di a furesta, campa Cappuccinella Rossa cù a mamma.
2	<p>* Induve sò Cappuccinella Rossa è a mamma ? → Sò in cucina. *Chì face a mamma ? → A mamma porghje un vasettu di butiru à Cappuccinella Rossa. *Per chì fà ? → Cappuccinella Rossa deve purtà u biscottu è u butiru à a so mammone. *Induve campa a mammone ? → Campa da l'altra parte di a furesta. *Chì li dice a mamma à cappuccinella Rossa ? → Li dice di fà prestu senza perde tempu.</p>	A mamma di Cappuccinella Rossa li dà un vasettu di butiru è un biscottu da purtà à a mammone chì stà da l'altra parte di a furesta.
3	<p>*Induve hè Cappuccinella Rossa ? → Cappuccinella Rossa hè ind'è a furesta. * È chì face ? → Cappuccinella Rossa coglie fiori da fanne un mazzulu.</p>	Cappuccinella Rossa a si spasseghja in furesta è coglie fiori.
4	<p>* À quale infatta Cappuccinella Rossa ? → Cappuccinella Rossa infatta u lupu. * Hà a paura Cappuccinella Rossa ? → Innò, ùn cunnosce micca u lupu. *Chì prupone u lupu à Cappuccinella Rossa ? → U lupu li prupone di fà una corsa per vede quale hè chì hà da ghjunghje u primu in casa di a mammone.</p>	Eccu chì affacca u lupu chì dumanda à Cappuccinella Rossa induv'ella v. Li prupone di fà a corsa.
5	<p>*Chì strada piglia u lupu ? → U lupu piglia un scurtatoghju. * Chì strada piglia Cappuccinella Rossa ? → Cappuccinella Rossa piglia à diritta.</p>	Cappuccinella Rossa parte à diritta è u lupu, ellu, parte à manca per u scurtatoghju.
6	<p>*À quale si vede nantu à a fiura ? → Si vede u lupu davanti a porta di a mammone. *Induve hè a mammone ? → A mammone hè chjinata in u so lettu. *Chì face u lupu? → U lupu cambia a so voce è si face passà per Cappuccinella rossa. *Chì li dice a mammone ? → Li dice « tira a funicella, a vulella cascherà è a</p>	Ghjunghje u lupu in casa di a mammone. Piglia a voce di Cappuccinella Rossa è a mammone u lascia entre.

	<p>porta s'aprerà ».</p> <p>*Chì face u lupu una volta entrutu in casa ?</p> <p>→ U lupu si lampa nantu à a mammone è a s'ingolle sana sana.</p>	
7	<p>*Chì face u lupu ?</p> <p>→ U lupu si mette una di e camisge di notte di a mammone.</p>	U lupu s'ingolle a mammone, si mette una di e so camisge di notte.
8	<p>*Chì face u lupu ?</p> <p>→ U lupu si sciacca in u lettu di a mammone.</p>	U lupu si ficca in u lettu di a mammone.
9	<p>*Chì face Cappuccinella Rossa ?</p> <p>→ Cappuccinella Rossa ghjunghje in casa di a mammone.</p>	Ghjunghje avà Cappuccinella Rossa. Pichja à a porta.
10	<p>*Induve hè Cappuccinella Rossa ?</p> <p>→ Cappuccinella Rossa hè entruta in casa è scopre u lupu.</p> <p>*Chì dice Cappuccinella Rossa à u lupu ?</p> <p>→ Li dice « O mammò, tamanti ochji ch'è vò avete ! »</p> <p>* Chì li risponde u lupu ?</p> <p>→ U lupu li risponde « ghjè per vedeti megliu, o figliulè ! »</p>	Una volta in casa, Cappuccinella Rossa si stona di l'uchjoni di a mammone.
11	<p>*Chì dice Cappuccinella Rossa à u lupu ?</p> <p>→ Li dice « O mammò, tamante bracce ch'è vò avete ! »</p> <p>* Chì risponde u lupu ?</p> <p>→ U lupu li risponde « ghjè per abbracciatti megliu, o figliulè ! »</p> <p>*Chì dumanda dopu Cappuccinella Rossa à u lupu ?</p> <p>→ Li dice dopu « O mammò, tamanti denti ch'è vò avete ! »</p> <p>* Chì risponde tandu u lupu ?</p> <p>→ U lupu risponde « ghjè per manghjatti megliu, o figliulè ! »</p> <p>*Chì face tandu u lupu ?</p> <p>→ U lupu si lampa nantu à Cappuccinella Rossa è a si sciacca sana sana !</p>	Pò, Cappuccinella Rossa si stona di e bracce tamante di a mammone è infine hè sorpresa da i so dentoni. U lupu si lampa nantu à Cappuccinella Rossa è a s'ingolle sana sana.
12	<p>* À quale si vede nantu à sta fiura ?</p> <p>→ Si vede un cacciadore chì hà capitu ciò ch'ellu hà fattu u lupu.</p> <p>*Induve hè u lupu ?</p> <p>→ U lupu dorme nantu à u lettu.</p>	Affacca un cacciadore chì vede tuttu per a finestra.
13	<p>* Chì face u cacciadore ?</p> <p>→ U cacciadore tira una fucilata è tomba u lupu.</p> <p>* Chì face u lupu dopu ?</p> <p>→ Dopu, u cacciadore cù a cultella apre u corpu è salva à Cappuccinella Rossa è a so mammone.</p>	Entre è tomba u lupu d'una fucilata pò apre u corpu di u lupu è salva à Cappuccinella Rossa è a mammone.
14	<p>*À quale si vede nantu à a fiura ?</p> <p>→ Si vede à Cappuccinella Rossa, a mammone è u cacciadore.</p> <p>* Chi facenu ?</p> <p>→ Manghjanu u biscottu cù u butiru.</p> <p>*È u lupu induve hè ?</p> <p>→ U lupu hè mortu.</p>	U lupu hè mortu. Cappuccinella Rossa, a mammone è u cacciadore si sciaccanu u biscottu cù u butiru.